



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
5-300

Xuv Tsib – Tsab Cai Hais Txog Kev Coj thiab Kev Siv Dag Zog

Kev Siv Dag Zog

5-314 Txoj Hauv Kev Xaiv Tswj- Cov Cuab Yeej Tsim Suab Nrov Cig Nplaim
(10/16/02) (08/16/07) (xx/xx/23)

I. Lub Hom Phiaj

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau cov cuab yeej tsim suab nrov cig nplaim.

II. Cov Ntsiab Lus Txhais

Lub Cuab Yeej Tsim Suab Nrov Cig Nplaim (Flash Sound Diversionary Device, FSDD):
Lub cuab yeej tsim suab nrov cig nplaim, los kuj tau hu ua lub cuab yeej “nrov-cig nplaim (flash-bang)”, tsim lub suab nrov tawg nrog rau cig nplaim uas yog txhob txwm tsim ua rau kom muaj qhov sib chab sib chaws thiab muaj kev cuam tshuam txhawm rau ua kom pab pawg neeg ua hauj lwm tawm tswv yim tau txais txiaj ntsig nyob rau ncuaj sij hawm li ob peb feeb.

Cov lus uas muaj ntsiab lus nyob rau hauv P&P 5-302:

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

III. Txoj Cai

A. Txoj Cai thiab Cov Kev Cai Kev Taw Qhia

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

B. Kev Ua Raug Raws Li Txoj Cai thiab Kev Cob Qhia

Cov tub ceev xwm tsuas siv FSDDs nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj

kev ncaj nees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300).

C. Cov Kev Cuam Tshuam thiab Kev Sib Sau Ua Ke Ntawm Pej Xeem

Saib raws li P&P 7-805, FSDDs yuav tsis raug siv los tswj cov neeg ua npoj, khoov cov neeg ua phoj, los sis cais cov neeg ua npoj.

D. Yuav Tsum Tau Muaj Kev Cob Qhia

1. Tsuas yog tus neeg ua hauj lwm uas tau txais kev cob qhia txog qhov kev siv cov cuab yeej no xwb thiaj li siv tau.
2. Kev cob qhia uas lub tuam tsev hauj lwm tau pom zoo yuav suav nrog kev tis npe, kev ua hauj lwm kho, thiab kev siv FSDDs ua kev tawm tswv yim.
3. Txhua tus tswv cuab ntawm SWAT kuj yuav tau txais kev cob qhia los ntawm Minneapolis (Fire Department) Lub Tuam Tsev Hauj Lwm Ntsig Txog Kev Tua Hluas Taws txog qhov kev siv cov taub tshuaj tua hluas taws uas yog tshuaj khes mis qhuav. Yuav muaj kev tsoom kwm rau cov yam uas yuav tau ua zoo saib rau txhawm rau kev nyab xeeb thiab cov qauv cai rau kev siv thaum uas siv cov cuab yeej no.

E. FSDDs Uas Lub Tuam Tsev Hauj Lwm Tau Tawm

Tsuas yog MPD cov tub ceev xwm xwb thiaj li tau txais kev tso cai siv FSDDs uas lub tuam tsev hauj lwm tau tawm.

F. Tsuas Yog Rau SWAT Siv Nkaus Xwb

1. FSDDs tsuas raug muab thiab raug siv raws li qhov kev muaj cai ntawm Tus Thawj Coj Saib Xyuas SWAT los sis tus neeg uas tau xaiv xwb, uas yog tus neeg yuav ua qhov kev txiav txim siab hais txog qhov kev siv qhov cuab yeej uas hais los ntawd rau ib xwm txheej-rau-ib xwm txheej.
2. Tus Thawj Coj Saib Xyuas los sis lawv tus neeg uas tau xaiv yuav muab thiab kev siv cov cuab yeej.

G. Muaj Taub Tshuaj Tua Hluav Taws

Thaum lub cuab yeej raug siv, ib tug tswv cuab ntawm pab neeg ua hauj lwm tag nrho yuav nqa lub taub tshuaj tua hluav taws tshuaj khes mis qhuav txhawm rau siv nyob rau xwm txheej uas muaj hluav taws kub.

H. Kev Kho Mob thiab Kev Pab Fab Kev Kho Mob

Cov tub ceev xwm yuav muab tej kev kho mob uas muaj kev tsim nyog saib raws li P&P 5-301 thiab P&P 7-350.

I. Kev Ua Ntaub Ntawv

Cov tub ceev xwm yuav ua ntaub ntawv siv FSDDs ua kev siv dag zog raws li txoj cai cuam tshuam txog kev siv dag zog uas tshaj tawm (P&P 5-302).

QAUN